

COASTAL MESTER PAGA PROMER PA CABA CU COKER NA TEMPO

ORANJESTAD (AAN) -- DIARIO a conversa cu Ministro di Eddy Croes dentro di su carter di Labor tocante e asunto di e Filipinonan y e manera con nan ta worde

trata na COASTAL, specialmente e 3 trahador cu aparentemente a worde saca pa un funcionario di e multinacional, di un manera in husto, y worde poni abordo

di avion di regreso na nan pais.

Ministro Eddy Croes a cumenza pa bisa cu mester haci un coreccion chiquito, y esey den e sentido cu no ta COASTAL pero e compania cu ta trahando pe, den e modernizacion di e planta (coker) esun cu a tuma e decision, pero segun Ministro ta bisa, esaki a tuma lugar di otro manera, segun investigacion cu e mes a haci.

E titular ta menciona cu den e trabao aki hopi Filipino a ser involvi, kendenan a bini Aruba cu contract y na momento cu esaki caba, nan tin cu bay nan pais bek.

E mandatario ta bisa si cu e no mira e contract personalmente pero el a pidi copia di dje caba.

Na Departamento di Labor, Ministro Croes a ser informa cu nan si a mira e contract y cu eyden ta para cu pa e grupo di Metsla nan contract ta caba na momento cu e fundeshi keda cla.

Como cu e fundeshi a worde basha caba esey kier meen cu nan trabao y contract a caba, y segun e version cu e tin, ta esaki ta loke a sosode cu e obreronan cu a abandona Aruba.

Ministro ta menciona tambe cu tin un otro grupo di trahador Filipino cual contract ta bisa cu ora cu nan ta yega e top e grupo aki tin cu bay. Pesey Ministro Croes ta considera cu no tin nada incorrecto den loke a pasa.

Loke si e ta mira incorrecto ta cu e compania contratista a kere cu nan por laga e personanan aki traha 60 ora pa siman y esey si ta algo cu e leynan laboral di Aruba no ta permiti. Ta posibel cu si tin necesidad di traha overtime esaki por pero no pa mas cu un cantidad di 55 ora semanal.

Tambe e compania tabata den e creencia cu nan por a laga e trahadornan aki cobra sueldo minimo kitando afo loke nan tabata haya di cu-

minda ya vivienda, loke tampoco no mag.

Nan tin cu haya nan salario minimo y for di eynan nan mes tin cu paga cuminda y vivienda.

Te con leuw Ministro Croes sa e Filipinonan cu a bay caba nan contract a termina y no tabata tin nada abnormal aden. Pero e tin entendi si cu tin un grupo cu cual e compania kier termina e contract manda nan na nan pais bek.

E titular ta señala cu esaki tambe por semper cu e compania contratista yega na un acuerdo cu e trahadornan aki, pero e ora ey nan tin cu paga nan te e fecha cu e contract ta stipula como final di nan trabao.

Si e personanan aki tin contracto cu ta caba te cu Maart proximo, nan por bay aworaki pero e compania cu a contrata nan mester paga nan te na Maart. Esaki ta algo cu Departamento di Labor ta vigilando di acerca.

CASI 8.000 TURISTA A YEGA ARUBA ENTRE DIADOMINGO CU DIALUNA

ORANJESTAD (AAN) -- Manera tabata di spera segun pronostico riba e cantidad grandi di turista cu mester a drenta Aruba Dia 25 y 26 di December, Aeropuerto Reina Beatrix tabata hopi druk.

Pa mas esfuerzo cu DIARIO a haci pa trese cifranan dilanti, esaki no tabata posibel pa logre cu exactitud, pero segun calculacion tin casi 8.000 turista a bini Aruba entre Diadomingo cu Dialuna cu a pasa.

Pa loke ta conta Diadomingo cu a pasa, a ricibi hopi mas turista cu durante e simannan anterior. E cantidad a surpasa 3.500 turista, y

Dialuna cu generalmente no ta un dia druk, por a yega na 4.000 turista contando cu e promer vuelo Aero Republica cu a cumenza bula entre Colombia y Aruba.

Solamente Dialuna tabata tin 40 vuelo cu a trese turista pa Aruba (riba Diadomingo no por a haya e cantidad exacto, pero aparentemente ta na carera di 40 vuelo tambe). Manera DIARIO a describi recientemente, ta trata di turista di tur caminda di mundo, cu ta na Aruba aworaki, y por bisa cu e aña aki lo ta e promer paso pa sigui bati record durante e temporada di high season.

LABCO MEDICAL AND HOME-CARE SERVICES

Cabuyastr. 6, Ponton
Tel. 26851 - 37158
Panoord di Esso Ponton

Special pa Pasco

Bo kier malcria e grandi of e hende malo na cas? Special pa e temporada aki nos tin Rolstoel (afneembaar arm/voet leuning) na preis increíble di Afl. 675.-= so! CU 6 LUNA DI GARANTIA

OFERTA Cama di Hospitaal Awor pa temporada di Pasco den 4 pago sin interes, na preis reduci.

ONE TOUCH MONITOR SYSTEM pa check diabetico Awor solamente Afl. 195.00
BON PASCO!

BERDE TA BERDE, NO BISA CU E TA GEEL !!!

